

宜於陰暗昏夜之中當初 大行大王不豫之時 殿下侍藥憂悴久不進膳及至大故哀毀過禮玉體瘦弱且有脾胃症遠近聞之莫不驚惶以 聖體羸毀虛弱而冒夜速行蒙犯霧露豈其所宜萬一有所愆和則所關顧不重大哉設使不至於此犯夜奔行三十餘里 聖體必至困乏隨駕羣臣儀容亦未及修整而時刻已到則其間事多忿忿有所未盡者多矣臣之妄料 殿下宜於初八日徐詣陵所奉審山陵諸事翌日率百官設禮奠以卒大事於事從容得宜情禮俱盡而殆無遺憾矣議者以經宿徵兵為難然弊亦不至於大矣臣之謬見如此不敢緘默冒昧陳達○辰時日暈兩珥暈上有冠暈下有履色皆內赤外青夜東方有氣如火光○以張維為司諫院大司諫尹知敬為司憲府執義李景憲辛啓榮為掌令朴演為獻納閔應亨為正言李如璜為弘文館校理姜碩期為侍講院輔德權鏤為弼善金地粹為文學○壬寅 上下教曰近日禮曹視君上如嬰兒凡干禮制不為審察每以已意斷定或謂之踰制或謂之非禮或謂之五禮儀所無是誠何心亦何道理耶 仁廟以上 祖宗發引時皆往山陵今以哭送門外謂之踰制五禮儀只載為外祖父母服衰之禮似是祖父母之喪皆國喪故不為磨鍊之意如彼云云不亦可怪乎莫重喪禮欺忽